



KOMUNA E PODUJEVËS / OPŠTINA PODUJEVO / MUNICIPALITY OF PODUJEVO		
GRADSKA UPRAVA / UPRAVA ADMINISTRACIJE		
Data e mirimit / Date of adoption: 09.02.2024		
Org. Jed.	Nr. Br.	Shtojcë - Prilog
02-355	02-0010284	24
PODUJEVË - PODUJEVO		

Republika e Kosovës / Republika Kosova / Republic of Kosova

Komuna e Podujevës / Opština Podujevo / Municipality of Podujeva



Raport vjetor i punës së Zyrës për Marrëdhënie me Publikun dhe Informim për vitin 2023

Detyrat dhe përgjegjësitë e Zyrës për Marrëdhënie me Publikun dhe Informim (ZMPI)

- Merr pjesë në takimet e drejtpërdrejta të Kryetarit të Komunës, brenda dhe jashtë Komunës;
- Përcjellë mbledhjet e Bordit të drejtorëve, të Komitetit për Politikë dhe Financa, Komitetit për Komunitete dhe mbledhjet e Kuvendit të Komunës;
- Koordinon ndërlidhjen me shtypin, në lidhje me çështjet që kanë të bëjnë me veprimtarinë e Kryetarit të Komunës, drejtorëve të drejtorive dhe zyrave të tjera;
- Koordinon zhvillimin dhe zbatimin e akteve komunale për komunikim me publikun;
- Ofron informacione për projektet komunale;
- Siguron transparencë dhe qasje publike për punën e drejtorëve të administratës komunale, të institucioneve arsimore dhe shëndetësore dhe të ndërmarrjeve publike lokale, duke u ofruar informata dhe dokumente qytetarëve dhe mediave;
- Informon publikun për vendimet që miraton Kuvendi, përmes njoftimeve në ueb faqen zyrtare të Komunës, dhe në rrjete sociale, si dhe përmes konferencave.
- Mban lidhje me shtypin lokal dhe mediat elektronike për çështjet në interes të qytetarëve

- Siguron informacione brenda Komunës dhe është në bashkëpunim të përhershëm me drejtorët e drejtorive dhe shërbyesit civilë të punësuar në drejtoritë e administratës; Shoqëron përfaqësuesit të mediave brenda Komunës dhe regjistron deklaratat e zyrtarëve komunalë dhënë për media të ndryshme lokale dhe ato qendrore
- Kryen edhe punë të tjera të parapara me ligj, Statutin e Komunës së Podujevës dhe me rregulloret tjera.

Zyra për Marrëdhënie me Publikun dhe Informim (ZMPI), përtej detyrave dhe përgjegjësiive të lartcekta, në baza të rregullta merret edhe me forma të tjera të komunikimit siç është ajo përmes rrjeteve sociale.

Pra, për këtë qëllim stafi i ZMPI menaxhon edhe faqen e Komunës së Podujevës në facebook, ueb faqen e komunës në kategorinë e lajmeve, faqen e kryetarit të komunës në facebook dhe Instagram , u kthen përgjigje të gjitha pyetjeve që vijnë nga mediat, organizatat e shoqërisë civile dhe qytetarëve.

Po ashtu, kjo Zyre në bashkëpunim me zyrtarin për qasje në dokumente publike, koordinon punën dhe bashkëpunon për të kthyer përgjigje në secilën kërkesë që i adresohet Komunës së Podujevës, përmes kërkesës për qasje në dokumentet publike.

Në bashkëpunim me zyrtarët përgjegjës në kuadër të Kabinetit të Kryetarit të Komunës, ZMPI, merr pjesë edhe në organizimin e vizitave në teren, ceremonive të ndryshme të përfundimit të projekteve të komunës për të cilat përgatit komunikata, dhe po të njëjtat u përcjell mediave.

Po ashtu, varësisht nga rëndësia e projekteve, disa prej tyre paraqiten edhe me video të cilat realizohen nga stafi i Zyres dhe nga kontrata e lidhur me një operator e cila po ashtu menaxhohet nga ZMPI.

ZMPI, bazuar në rregullativën ligjore, përcjell debatet publike të Kornizës Afatmesme Buxhetore, dëgjimet buxhetore dhe debatet 6 mujore të kryetarit me qytetarë të cilat parashihen të mbahen gjatë një viti kalendarik, përgatit procesverbalet përgatit komunikatën dhe së bashku me fotot e debateve i publikon në ueb faqen zyrtare dhe në rrjete sociale te komunës.

Për çështje me rëndësi për komunën ZMPI në bashkëpunim me Kabinetin e Kryetarit organizon edhe konferenca për media, në të cilat ftohen mediat lokale dhe nacionale, dhe për të cilat postohet komunikata zyrtare nga ueb faqja e komunës

Në vitin 2023 Komuna e Podujevës ka kontraktuar një kompani për transmetimin e debateve publike, mbledhjeve të kuvendit , transmetimin e ngjarjeve kulturore, kontratë kjo e cila menaxhohet nga Zyra e Informimit.

Në esencë, qëllimi i lidhjes së kësaj kontrate është që kuvendi, pra vendi ku përfaqësohen të gjithë qytetarët përnies partive politike, të transmetohet direkt që të kenë edhe qytetarët akses në përcjelljen e këtyre mbledhjeve. Po ashtu edhe debatet publike ku merr pjesë kryetari i Komunës, anëtarët e ekzekutivit dhe qytetarët të jenë publike dhe të dëgjohen edhe nga publiku, duke rritur kështu komunikimin dhe transparencën e komunës.

Po ashtu, si Zyra përcjellim secilin takim të Komitetit për Politikë dhe Finance (KPF) Këshillit Komunal për Siguri në Bashkësi (KKSB), Komitetit për Komunitete (KK) Shtabit Lokal Emergjent dhe Shtabeve tjera që funksionojnë përgjatë vitit, të cilat gjithmonë pasohen me komunikata zyrtare në faqen e komunës.

Zyra e informimit gjatë gjithë angazhimit të saj, përveç që zbaton detyrat brenda përgjegjësisë dhe fushëveprimit që ka, angazhohet edhe në secilin aspekt tjetër të komunikimit me qëllimin e vetëm që qytetarët, mediat dhe institucionet që monitorojnë punën e komunës të jenë të informuara në kohë për të gjitha zhvillimet që ndodhin brenda administratës komunale.

Për këtë qëllim është publikuar numri i zyres dhe email adresa infopodujeva@rks-gov.net, në të cilat organizata të ndryshme, media dhe qytetarë bëjnë thirrje dhe dërgojnë emaila në të cilat përgjigjemi në kohë sa më të shpejtë.

Zyrtarët e ZMPI gjatë këtij viti në vazhdimësi kanë ndjekur trajnime, me qëllim të rritjes së kapaciteteve dhe njohurive të reja, sidomos në fushën e transparencës me qëllim që ato të përdoren e praktikohen për përmirësimin e mëtejshëm të raportit të komunikimit komunë — qytetarë.

Trajtim të veçantë gjithmonë u kushtohet njoftimeve publike, të cilat përveç që shpëndahen në ueb faqen zyrtare, ato i vendosim edhe në tabela në qytet dhe në bashkësitë lokale, Orllan, Lluzhan dhe Kërprimëh me qëllim që njoftimet të arrijnë te secili qytetarë.

Për të qenë edhe më korrekt përmes koordinitorit të fshtreve edhe përmes telefonit njoftohen përfaqësuesit e fshatrave, gjithmonë për të marrë pjesë në diskutimet publike.

Po ashtu, edhe thirrjet e ndryshme për aplikime, subvencione dhe njoftimet tjera nga komuna publikohen dhe shpëndahen.

Për secilin aktivitet të Kryetarit të Komunës, kuvendit, ekzekutivit dhe të tjerë, përmes faqës ne facebook, ueb dhe me email, paraprkisht njoftohen mediat e shkruara dhe qytetarët.

Në forme tabelare janë paraqitur lajmet, njoftimet, ftesat-thirrjet dhe konkurset e postuara ne faqen zyrtare të komunes.

Muaj	Lajme	Njoftime	Ftesa-Thirrje	Konkurse
Janar	34	17	1	-
Shkurt	30	9	2	1
Mars	42	13	8	-
Prill	25	7	6	-
Maj	36	32	2	-
Qershor	56	27	4	-
Korrik	49	27	-	1
Gusht	45	37	-	1
Shtator	23	13	-	-
Tetor	45	14	4	-
Nentor	40	14	1	-
Dhjetor	52	20	1	1
Totali	477	230	29	4

Ndërsa, për të parë formën e plotë të postimit të lajmeve në ueb faqen zyrtare, klikoni vegezen;

<https://kk.rks-gov.net/podujeve/podujeve-2/lajmet/>

Në kuadër të zyrës për informim janë bërë edhe të gjitha njoftimet e dokumenteve të inicuar nga drejtoritë e ndryshme për konsultim publik, njoftime për debatin publik, si dhe përgatitja e raportit të mbajtjes së konsultimeve publike për vitin 2023, si dhe plani i konsultimeve publike për vitin 2024.

Këto plane dhe raporte janë të publikuara ne ueb faqen zyrtare të komunës së Podujevës dhe ne platformën qendrore Ekonsultimet, për më shumë klikoni vegëzat;

<https://kk.rks-gov.net/podujeve/debat-publik-me-qytetare/>

[Konsultat publike | Konsultimet publike \(rks-gov.net\)](#)

Në kuadër të zyrës së informimit, ne intervale të rregullta kohore bëhet, publikimi në uebfaqe i vendimeve të kryetarit, publikimi i njoftimeve-lajmeve për mbajtjen e mbledhjeve të Komitetit për Komunitete, KPF-së dhe KK-së, publikimi i lajmeve, njoftimeve për aktivitetet e kryetarit dhe drejtorëve komunal dhe përgatitja e raporteve javore të ZMPI, për kryetarin.

Gjithashtu faqja e kryetarit të komunës në rrjetin social facebook dhe instagram mirëmbahet nga ZMPI, e cila përgjatë vitit 2023 ka realizuar mbi 400 postime.

04.01.2024, Podujevë

Zyra për Marrëdhënie me Publikun dhe Informim